

Siunnersuut: Ilisimatusarfik pillugu Inatsisartut inatsisaat nr. xx, xx.x-imeersaq

Kapitali 1

Aalajangersakkat nalinginnaasut

§ 1. Ilisimatusarfiup suliassarai Ilisimatusarfimmi ilinniagassat iluanni ilisimatuutut misissuinissaq aamma ilisimatusarnermik tunngavilimmik ilinniartitsinissaq nunani tamani annerpaamik angusassaq tikillugu. Ilisimatusarfiup qulakkiissavaa ilisimatusarnerup, inerisaanerup aamma ilinniartitaanerup naligiillutik suleqatigiinnissaat, kiisalu ilisimatusarnermi aamma ilinniartitaanermi ilinniagassanik ingerlatassaminik ingerlaavartumik inerisaanissaq aamma siaruarternissaq ilisimasanillu ilisimatusarnermi suleriaatsinik paasisanillu paarlaasseqatigiin-nissaq.

Imm. 2. Ilisimatusarfik ilisimatusarnermi aamma ilisimatusarnerup iluani suleriaaseqarnissa-mik kiffaanngissuseqarpoq, tamannalu attatuarniartariaqarpoq. Isumalluutit pisariaqartut pi-gineqarpata Naalackersuisut Ilisimatusarfik tusarniaavigeriarlugu immikkut ilisimatusagassa-nik, qulaajagassanik aamma ilinniartitsissutissanik suliassissinnaavaat.

Imm. 3. Ilisimatusarfiup inuiaqatigiit avatangiisigineqartut suleqatigissavai aamma nunat akornanni suleqatigiinnermik inerisaaqataassaaq. Ilisimatusarfiup ilisimatusarnikkut aamma ilinniartitaanikkut angusamigut Kalaallit Nunaanni nunanilu issittuni ineriartorneq siuarsaqataaffigissavaa. Ilisimatusarfiup qitiusumik ilisimasassaqarfittut aamma kultureqarfittut suliffe-qarfiunermigut ilisimasatigut piginnaasatigullu inuiaqatigiillu paarlaasseqatigiinnissaq aamma sulisuni inuiaqatigiinni oqallinnerni peqataaqqullugit kajumissaartassavai.

Kapitali 2

Ilinniartitaanerit

§ 2. Ilisimatusarfiup ilinniarnert ilisimatusarnermik tunngaveqartut immikkoorlutik ingerlanneqartut tamakkiisumillu naammassineqarsinnaasut uku neqeroorutigisinnaavai:

1) Ilinniarnert qaffasinnerusut akunnattumik sivisussusillit:

a) Bacheloritut ilinniarneq 180 ECTS pointinik naleqartoq

b) Atorfinissutaasinnaasumik bacheloritut ilinniarneq 180 aamma 240 ECTS pointit akornannik naleqartoq

c) Diplomimik allagartartaarluni ilinniarneq 60 ECTS pointinik naleqartoq

2) Ilinniarnertit ingerlaqqiffiusut:

a) Kandidatitut ilinniarneq 120 ECTS pointinik naleqartoq

b) Masteritut ilinniarneq 60 aamma 90 ECTS pointit akornannik naleqartoq

3) Ilisimatuutut ilinniarnertit:

a) Ph.d-tut ilinniarneq 180 ECTS pointinik naleqartoq

Imm. 2. Naalakkersuisut immikkut pequtissaqartillugu imm. 1-imi ECTS pointit taaneqartut saneqqunneqarnissaat akuersissutigisinnaavaat.

§ 3. Bacheloritut ilinniarneq, atorfinissutaasinnaasumik bacheloritut ilinniarneq, kandidati-tut ilinniarneq aamma Ph.d-tut ilinniarneq piffissaq tamaat ilinniarnertut neqeroorutigineqas-sapput. Diplomimik allagartartaarluni ilinniarnertit aamma masteritut ilinniarnertit piffissaq kit-taarlugu ilinniarnertut ilisimatusarnermik tunngavilimmik ilinniarnertut neqeroorutigineqas-sapput.

Imm. 2. Ilisimatusarfiup ilinniartitaanerit piffissaq tamaat ingerlasut kit-taarlugit ilinniarnertut neqeroorutigisinnaavai.

Imm. 3. Ilisimatusarfiup ilinniagassat ataasiakkaat aamma pikkorissaanerit ilinniagassanut attuumassuteqartut § 2, imm.1, nr. 1 aamma 2-mi taaneqartut neqeroorutigisinnaavai.

Imm. 4. Ilinniarnertit sivilissusii, imarisaat, ilinniagassat qaffasissusaat aqqissuussaanerallu ilusilerneqassapput nunagisami aamma nunat tamat akornanni ilinniarnertut neqeroorutigineqartunut naapertuuttunngortillugit, tamatumuunakkut angusimasamik ilinniarnertut allamut nuussineq, ilinniartunik paarlaasseqatigiinneq aamma nunat tamat akornanni akuerisaaneq angusinnaanngorlugu.

§ 4. Naalakkersuisut ilisimatusarfik tusarniaavigeriarlugu ilinniarnertit ilinniagassat nutaat iluaniittut akuerisassavaat.

Imm. 2. Naalakkersuisut ilinniarnertit neqeroorutigineqartussat killilersinnaavaat ilinniarnertit arlaat ilisimatusarfimmit neqeroorutigineqarnissaa pisariaqarunnaarpat, imaluunniit ilinniarnertit arlaat ilisimatusarnermik tunngaveqarluni ilinniarnertit pitsaassusissaannut piumasaritinneqartut naammassisinnaajunnaarpat.

Imm. 3. Naalakkersuisut ilinniarnertut iserniarlutik qinnuteqarsimasut akuerineqarsinnaasut killilersinnaavaat.

Imm. 4. Naalakkersuisut immikkut ittumik pisoqartillugu ilinniarneq ataaseq arlallilluunniit naliliiffigisinnaavaat.

§ 5. Ilisimatusarfik ilinniagassat sammititami iluanni diplomgradimik, bachelorgradimik, mastergradimik, kandidatgradimik aamma ph.d-gradimik tunniussisinnaavoq.

Imm. 2. Naalakkersuisut ilisimatusarfiup inassuteqareerneratigut akuerisinnaavaat, gradit imm. 1-imi taaneqartut universiteti alla peqatigalugu tunniunneqarnissaat, ilinniarnertup ilaa tassani pisimappat.

Imm. 3. Ilisimatusarfik ph.d.-graditut ataqqinaammik doktorinnngortitsisinnaavoq.

§ 6. Ilinniarnertup ilaanut ilinniarnermulluunniit tunngasumik ilisimatusarnermut ilisimatusarfik universitetinik ilinniarninnillu allanik ilinniarnernik assingusunik neqerooruteqartunik isumaqatigiissuteqarsinnaavoq.

§ 7. Naalackersuisut Ilisimatusarfik tusarniaavigeqqaarlugu ilinniarnernut malittarisassiussapput tamatumunnga ilanngullugit soraarummeernerit, soraarummeernermi nalileeataasaneq, naammagittaalliornerit aamma pitsaassusermik inerisaaneq kiisalu ilinniarnernut akuerineqarneq.
Imm. 2. Imm. 1 naapertorlugu malittarisassat suliarineqartut sinaakkusiussaasa iluanni Ilisimatusarfiup ilinniagassanik aaqqissuussinerit suliarisassavai nalunaarsorlugit ilinniarnernit imarisaat aamma aaqqissugaanerit.

§ 8. Ilisimatusarfiup ilinniartut ilinniarnernup nalaani neqeroorfigissavai ilinniarneq pillugu siunnersuinerimik, Kalaallit Nunaata avataani ilinniarnernup ilaanik nangitsigallarsinnaanermik aamma ilinniagaqareernermi suliffiusinnaasunik.

Kapitali 3

Aqutsineq

Siulersuisut

§ 9. Siulersuisut tassaapput Ilisimatusarfimmi qullersaallutik oqartussaasut. Ilisimatusarnermi aamma ilinniartitaanermi Ilisimatusarfiup soqutigisai isumagissavaat aamma Ilisimatusarfiup ineriartorneranut aaqqissuussaananerullu najoqqutassiussallutik.

Imm. 2. Siulersuisut Naalackersuisunut Ilisimatusarfiup ingerlatsinera pillugu akisussaapput, tassunga ilanngullugu aningaasaqarnikkut ingerlatsineq. Siulersuisut rektorip innersuussuteqarneratigut missingersuusiak akuerisassavaat, tamatumunnga ilanngullugit aningaasat agguataarnissaat aamma atorineqarnissaannut tunngavissat. Siulersuisut naatsorsuutit atsiortassavaat.

Imm. 3. Siulersuisut Ilisimatusarfiup malittarisassai suliarissavaat taakkulu allannguutissaat. Ilisimatusarfiup malittarisassai allannguutissaallu Naalackersuisunit akuerineqassapput.

Imm. 4. Siulersuisut rektorimik atorfinitsitsisarlutillu soraarsitsisassapput. Rektorip innersuussineratigut rektorip tullersortaanik aamma universitetip pisortaanik atorfinitsitsisassapput aamma soraarsitsisassapput.

Imm. 5. Siulersuisut angusaqarnissaq pillugu Naalackersuisunut isumaqatigiissuteqarsinnaatitaapput.

Imm. 6. Siulersuisut Ilisimatusarfimmi atorfilittanut allanut, takuuk imm. 4 imaluunniit ilinniartunut akulerussinnaatitaanngillat.

Imm. 7. Naalackersuisut siulersuisut tunuaqqusinnaavaat, siulersuisut inatsisinik unioqqutitsinernik iluarseeqqusinerit maleruanngippatigut, taamaalillunilu siulersuisunik nutaanik ivertitsisoqarsinnaalissalluni.

§ 10. Siulersuisunut ilaasortat ataatsimoorlutik Ilisimatusarfiup ineriartornissaanut siuarsaanermi peqataassapput Kalaallit Nunaanni nunanilu issittuni misilittagaqarnertik aqutsinermut, ilisimatusarnermut ilinniartitaanermullu kiisalu ilisimasanik ingerlatitseqqinnermut paarlaasseqatigiinnermullu ilisimasaqarnertik iluaqutigalugu.

Imm. 2. Siulersuisut sulinerat sapinngisamik annertunerpaamik ammasuussaaq.

§ 11. Siulersuisut 11-nik ilaasorta qarput, imatut inuttalerneqarlutik:

- 1) avataanit ilaasortat 6.
- 2) ilaasortat 2 Ilisimatusarfiup ilisimatuuinut aamma ilinniartitsisuiunut sinniisuusut, tamatumunnga ilanngullugit Ph.d-mik ilinniartut. Ilaasortap aappaa atorfinissutaasinnaasumik bachelorissanik ilinniarnert aallartitarissavaat.
- 3) ilaasortaq 1 allaffimmi illumilu atorfeqavissut aallartitarissavaat.
- 4) ilaasortat 2 ilinniartut aallartitarissavaat. Ilaasortap aappaa atorfinissutaasinnaasumik bachelorissanik ilinniarnert aallartitarissavaat.

Imm. 2. Naalackersuisut toqqartassavaat avataanit ilaasortat inuttut piginnaasaqarnerat tunngavigalugu ukiuni 4-ni ilaasortaasussanngortillugit. Toqqaanermi pingaartinneqassapput suliamut tunngatillugu inuttullu pisinnaasat aamma suliffinnik kiisalu ilisimatusarnikkut ilinniartitaanikkullu avatangiiserisanik inerisaanermik misilittakkat, ajornanngippat nunarsuarmut tamarmut sammisut. Toqqagaaqqittoqarsinnaavoq.

Imm. 3. Imm. 1, nr. 2 – 4-mi ilaasortat taaneqartut toqqaannartumik qinersinikkut qinarseqatigiinnut 5-init ukunannga toqqarneqartassapput:

- 1) Qinersisussat 1. Ilisimatuut aamma bachelorinnngornianik, kandidatinnngornianik, masterinnngornianik Ph.d.-nngornianillu ilinniartitsisut.
- 2) Qinersisussat 2. Atorfinissutaasinnaasumik bachelorinnngornianik diplomitaarnianillu ilinniartitsinermi ilisimatuut ilinniartitsisullu.
- 3) Qinersisussat 3. Ilinniartut bachelorinnngorniat, kandidatinnngorniat aamma Ph.d.-nngorniat.
- 4) Qinersisussat 4. Atorfinissutaasinnaasumik bachelorinnngorniarlutik ilinniartut.
- 5) Qinersisussat 5. Teknikkimut allaffissornermullu tunngasunik suliaqartut.

Imm. 4. Taamaallaat atorfillit piffissaq tamaat ukiup affaata nalinganik qaangerluguluunniit suliaqartut piffissarlu tamaat ilinniartut qinigaasinnaatitaapput taasisinnaatitaallutillu.

Imm. 5. Imm. 1, nr. 2 aamma 3-mi aallartitat taaneqartut sulisut sinniisuiunut malittarisassat malillugit illersorneqassapput.

Imm. 6. Siulersuisut siulittaasussaminnik avataanit ilaasortat akornannit toqqaassapput. Siulersuisunut ilaasortaq ataaseq taasinermik ataatsimik naleqassaaq. Amerlaqatigiinnik taasisoqartillugu siulittaasup taasinera aalajangiisuussaaq.

Imm. 7. Siulersuisunik pilersitsineq taakkulu sulinermi malittarisassaat ilisimatusarfiup malittarisassaani aalajangersorneqassapput.

Rektoreqarfik

§ 12. Ilisimatusarfiup ulluinnarni aquneqarnera rektorimit isumagineqassaaq siulersuisut sinaakkusiussaata naapertorlugit. Ilisimatusarfiup pisortaasa allat rektorip tunaartarisassaliaa naapertorlugu suliassatik isumagissavaat.

Imm. 2. Rektori rektorip tullersortaanik taperserneqassaaq, taannalu rektorimut paarlattaasassaaq. Rektori aamma rektorip tullersortaa tassaapput Ilisimatusarfiup rektoreqarfia.

Imm. 3. Rektori aamma rektorip tullersortaa ilisimatuujussapput ilisimatuutut akuerineqarsimasut Ilisimatusarfiup ilinniagassatut sammisaasa arlaanni aamma Kalaallit Nunaanni pissutsinik ilisimasaqassapput ilinniartitaanermullu pissutsinik

paasisimasaqassallutik. Aammattaaq rektori ilisimatusarnermik ilinniartitaanermillu sammisaqarfinnik aqutsinermik inerisaanermillu misilittagaqassaaq.

§ 13. Rektori Ilisimatusarfiup sinniiseraa suliassanilu tamani aalajangiisuusassaaq piginnaatitaaffik siulersuisunut, ilinniagartuut siunnersuisoqatigiiffianut, institutimi pisortanut imaluunniit institutip siunnersuisoqatigiivinut piginnaatitaaneq inissinneqarsimanngikkaangat, tak. §§ 9 aamma 10, § 14, imm. 1, nr. 4 aamma 5, § 18 aamma § 19, imm. 3.

Imm. 2. Rektori qullersaallutik pisortaasut allat atorfinitsinneqarnissaat soraarsinneqarnissaallu siulersuisunut inassuteqaatigisassavaa, takuuk § 9, imm. 4.

Imm. 3. Rektori atorfinitsittassavai soraarsittassallugillu institutini aqutsisut, aamma immikkoortortaqarfinni aqutsisut.

Imm. 4. Rektori aningaasartuutissat missingersuutaannut naatsorsuutinullu siulersuisunut innersuusiortassaaq, naatsorsuutillu atsiortassallugit.

Imm. 5. Unioqqutitsisoqarsimatillugu ilinniartunut iliuusissanik rektori aalajangersuisassaaq, tamatumunnga ilanngullugu qanoq ilisukkut ilinniarnemit anisitsisoqartassasoq.

Imm. 6. Rektori avataaniittunut isumaqatigiissutit Ilisimatusarfimmik pisussaaffiliisut tamaasa akuerisassavai.

Imm. 7. Rektori immikkut ittumik pisoqartillugu ilinniagartuut siunnersuisoqatigiiffiat atorunnaarsissinnaavaa namminerlu suliassai tigullugit.

Ilinniagartuut siunnersuisoqatigiiffiat

§ 14. Ilinniagartuut siunnersuisoqatigiiffianik pilersitsisoqassaaq ukuninnga isumaginnittussanik:

- 1) Aningaasaliissutit agguataarnerat pillugu rektorimut oqaaseqartarlutik.
- 2) Pingaarutilinnik ilisimatusarnermi ilinniartitaanermilu kiisalu ilisimasanik paarlaasseqatigiittarnermi pilersaarutit pillugit rektorimut oqaaseqartarlutik.
- 3) Ilinniagassanik aaqquissuussinernut missingersuutit aamma ilinniakkani misileraalluni aaqquissuussinert pillugit rektorimut oqaaseqartarlutik.
- 4) Ilinniagassanut paasisimasalinnik ataatsimiititaliorneq atorfiit ilisimatusarnermik ingerlatsiffiusut inuttalernissaannut tunngatillugu ilisimatusarnermi sulianik naliliisussanik aamma ph.d.-gradimik tunniussinissaq pillugu naliliisartussanik.
- 5) Ph.d.-gradimik tunniussinissaq.

Imm. 2. Ilinniagartuut siunnersuisoqatigiiffiat ilisimatusaatinut tunngasunut tamanut, Ilisimatusarfiup aaqquissuussaananeranut suliaanullu pingaaruteqartunut oqaaseqarsinnaatitaapput aamma pisussaaffigaat ilisimatusaatinut tunngasut rektorimit saqqummiunneqartut oqaluuserissallugit.

Imm. 3. Taasinermi naligiittoqartillugu siulittaasup taasinera aalajangiisuusaaq.

§ 15. Ilinniagartuut siunnersuisoqatigiiffiat imatut inuttalersorneqassaaq:

- 1) Rektori, pinngitsoorani siulittaasuusaaq.
- 2) Rektori tullersortaa.
- 3) Ilaasortat marluk institutini aqutsisut sinniisigissavaat, takuuk § 18, imm. 3. Ilaasortap aappaa atorfinissutaasinnaasumik bachelorissanik ilinniarnert aallartitarissavaat.

- 4) Ilaasortat marluk Ilisimatusarfimmi ilisimatuut aamma ilinniartitsisut aallartitarissavaat, ph.d-mik ilinniartut ilanngullugit. Ilaasortap aappaa atorfinissutaasinnaasumik bachelorissanik ilinniarnert aallartitarissavaat.
- 5) Ilaasortat marluk ilinniartut aallartitarissavaat. Ilaasortap aappaa atorfinissutaasinnaasumik bachelorissanik ilinniarnert aallartitarissavaat.
- 6) Ilaasortaq ataaseq allaffimmi illumilu atorfeqavissut aallartitarissavaat malinnaasutut.

Imm. 2. Imm. 1 nr. 4 - 6-imi ilaasortat taaneqartut malittarisassat § 11, imm. 3 aamma 4-mi taaneqartut naapertorlugit qinerneqartassapput

§ 16. Suliassani § 14, imm. 1, nr. 4-mi taaneqartuni, ph.d.-gradimik tunniussinermi suliassani kiisalu suliassani ilisimatusarnerinnarmut tunngasuni ilaasortat ilisimatusarnermik ingerlataqartut kisimik taasisinnaatitaapput.

Imm. 2. Ilinniagartuut siunnersuisoqatigiiffiat pillugu malittarisassat ersarinnerusut, tassunga ilaallutik qinersinermut piffissamullu qinigaaffimmut tunngasut, Ilisimatusarfiup malittarisassaasigut aalajangersarneqassapput.

Institutit

§ 17. Ilisimatusarfimmi ilisimatusarnerit aamma ilisimatusarneq tunngavigalugu ilinniarnert institutini ingerlanneqartassapput.

Imm. 2. Institutit sapinngisamik bachelorimut kandidatimullu ilinniarnert atorfinissutaasinnaasumillu bachelorinnngorniarnert aamma ilinniagassat imarisamik ilisimatusarnermikullu ataqatigiissuteqartut ataatsimoortittassavaat.

Imm. 3. Ilinniagaq institutip avataani inissinneqarsinnaavoq, institutit arlaannaataluunniit ilisimatusarneq ilinniakkamut tunngaviusoq ingerlatinngippagu. Taama pisoqartillugu universitetimik allamik ilisimatusarnissaq ilinniakkallu akuerineqarnissaa pillugit isumaqatigiissuteqartoqartassaaq tak. § 6.

§ 18. Institutit aquanneqassaaq institutimi aqutsisumit. Institutimi aqutsisoq aqutsisuujutigaluni immikkoortortami pisortaasinnaavoq, tak. § 24.

Imm. 2. Institutimi aqutsisup institutimi atorfeqartut allat atorfinitsillugillu soraarsittassavai, immikkoortortami pisortaq kisiat pinnagu, tak. § 13, imm. 3.

Imm. 3. Institutimi aqutsisoq immikkoortortamilu pisortat institutimi aqutsisoqarfiussapput. Aqutsisoqarfiup isumagissavaa, institutimi siunnersuisoqatigiit innersuussineratigut siunnerfiit rektorimit akuerineqartut aallaavigalugit, institutip ulluinnarni aquanneqarnera, tamatumunnga ilanngullugit pilersaarusiorneq aamma suliassanik agguassineq.

Imm. 4. Institutimi aqutsisoqarfiup suleqataasut peqqusinnaavai suliassanik aalajangersimasunik isumaginnittussanngorlugit ilisimatusarnermi periutsinik kiffaanngissuseqarneq ataqqillugu.

§ 19. Institutimi aqutsisoq ilisimatuutut misilittagaqartuussaaq ilinniagassami ilinniarsimasamini ilinniartitsinermillu misilittagaqassalluni.

§ 20. Institutini tamani institutimi siunnersuisoqatigiit pilersinneqartassapput.

Imm. 2. Institutimi siunnersuisoqatigiit ilisimatusarnermut ilisimatusarnermillu

tungaveqarluni ilinniarnernut tamanut siunnerfiit oqaluuserisassavaat institutimi aqutsisoqarfik rektorimut ilinniagartuut siunnersuisoqatigiiffianullu innersuussuteqartinnagu.

Imm. 3. Institutimi siunnersuisoqatigiit tamanut siunnerfiit immikkoortortanilu aqutsisut innersuussuteqarnerisigut akuerisassavaat:

- 1) Ilinniarnissamut akuerineqarneq.
- 2) Angusani nuussineq.
- 3) Ilinniagartuut gradinik tunniussineq ph.d.-gradi kisiat pinnagu.
- 4) Pitsanngorsaanermut pitsaassutsimillu siuarsaanermut siunnersuisartoqatigiinnik pilersitsineq, tak. § 25.

Imm. 4. Institutimi siunnersuisoqatigiit rektorimut ilinniagartuullu siunnersuisoqatigiivnut innersuussuteqarfigisassavaat:

- 1) Institutimi ilinniarnernut ilinniagassanik aqqissuussinerit.
- 2) Ilinniarnermi misileraanissat.
- 3) Ilinniagassanut paasisimasalinnik ataatsimiititamik pilersitsineq, ilisimatusarnermi sulianik naliliisussanik ilisimatusarnikkut atorfinnik inuttaliinissaq aamma ph.d.-gradimik tunniussinissaq siunertaralugu.
- 4) Institutip aningaasartuutissaanut missingersuutai.
- 5) Immikkoortunik taakkulu akisussaaffiinik aqqissuussineq.

Imm. 5. Institutimi siunnersuisoqatigiit oqaaseqarsinnaatitaapput sulianut tamanut institutip aqqissuussaananut sulineranullu tunngassuteqartunut aamma pisussaaffigaat oqaluuserissallugit pissutsit rektorip aamma institutit pisortaasa saqqummiussaasat.

Imm. 6. Institutimi siunnersuisoqatigiit aalajangiineri amerlanerussuteqarnikkut aalajangiiffigineqartassapput. Suliani ilisimatusarnermut tunngassuteqartuni malittarisassatigut imaluunniit siunnersuisoqatigiit ulluinnarni aqutsinermut maleruagassaasigut aalajangiisoqarsinnaavoq ilaasortat ilisimatuujusut kisimik taasisinnaatitaasut.

§ 21. Institutimi siunnersuisoqatigiit imatut inuttalerneqassapput:

- 1) Institutimi aqutsisoq siulittaasuussaaq.
- 2) Immikkoortortaqarfinni pisortat.
- 3) Ilaasortat 2 - 3 institutimi ilisimatuut aamma ilinniartitsisut aallartitarissavaat, ph.d-mik ilinniartut ilanngullugit. Ilaasortat 2 ilisimatuut tunuliaqutaqassapput. Instituti atorfinissutaasinnaasumik bachelorissanik ilinniartitsisarpas, ilaasortat ilaat ataaseq taakkua aallartitarissavaat.
- 4) Instituti allaffimmi illumilu atorfeqavissunik sulisoqarpat taakkua annerpaamik 2-nik aallartitaqassapput.
- 5) Ilinniartoq ataaseq institutimi ilinniarnerniit piffissaq tamaat ingerlanneqartunit, minnerpaamilli ilinniartut marluussapput.

§ 22. § 21, imm. 1, nr. 3 – 5-imi ilaasortat taaneqartut toqqaannartumik taasinikkut qinerneqassapput institutimi atorfeqartunit aamma ilinniartunit.

Imm. 2. Ukiup affaanik sivisunermilluunniit atorfeqartitat aammalu ilinniartut piffissaq tamaat ilinniartut kisimik qinerneqarsinnaatitaallutillu taasisinnaatitaapput.

Imm. 3. Qinersinermik pilersaarusiormi ingerlatsinermilu malittarisassat ilisimatusarfinni malittarisassanut ilanngunneqassapput.

Immikkoortortat

§ 23. Instituti ataaseq immikkoortortanut arlalinnut aggorneqarsinnaavoq.

Imm. 2. Immikkoortortaq ataaseq ilinniarnernik ilisimatusarnermik tunngavilimmik ataatsimik arlalinnilluunniit katitigaasinnaavoq aamma/imaluunniit ilisimatusarnermik ingerlatitseqqinnermilluunniit immikkut ilinniarnertaqanngitsumik ataatsimik arlalinnilluunniit katitigaasinnaalluni.

§ 24. Immikkoortortaq ulluinnarni immikkoortortami pisortamit aqunneqassaaq.

Imm. 2. Immikkoortortami pisortap suliassai tassaapput innersuussinissaq aamma siunnersuuteqarnissaq institutimi aqutsisunut institutimilu siunnersuisoqatigiinnut ukunatigut:

- 1) Ilinniagassanik aaqqissuussinernik siunnersuusiornerit.
- 2) Ilinniartitsinissanik soraarummeernissanillu pilersaarusiornerit.
- 3) Ilisimatusarnermi ingerlatitseqqinnermilu pilersaarusiornerit.
- 4) Immikkoortortap aaqqissugaaneranut siunnersuusiorneq, tamatumani ilinniarnernut aqutsisunik ilinniartunullu siunnersortinik toqqaaneq.
- 5) Institutip pitsanngorsaannermit pitsaassusermillu siuarsaanermut siunnersuisoqatigiinnut ilaasortassanik toqqaanissami siunnersuusiorneq.

Imm. 3. Immikkoortortami aqutsisoq institutip aqutsisunut institutillu siunnersuisoqatigiivnut immikkoortortap suliaanut pingaaruteqartunut aamma atorfinitsitsinerni soraarsitsinernilu inassuteqartassaaq aammalu suliani tamani immikkoortortaqarfimmut pingaaruteqartuni tusarniarneqartassalluni.

Pitsanngorsaannermi pitsaassusermillu siuarsaanermut siunnersuisoqatigiit

§ 25. Institutimi siunnersuisoqatigiit pitsanngorsaannermi pitsaassutsimillu siuarsaanermi siunnersuisoqatigiinnik pilersitsissapput. Taakkua siulersuisunut, rektoreqarfimmut, ilinniagartuut siunnersuisoqatigiiffiannut, institutimi aqutsisunut immikkoortortaqarfinnilu pisortanut isumassarsiorfissatut siunnersortitullu inissisimassapput.

Imm. 2. Pitsanngorsaannermi pitsaassusermillu siuarsaanermut siunnersuisoqatigiit ingerlaavartumik nalilersortassavaat makkunatigut iluaqutaasinnaasut:

- 1) Ilisimatusarneq ilisimatusarnermillu tunngaveqarluni institutimi ilinniarnerep pitsanngorsarnera.
- 2) Institutip inissisimanera aammalu nunat tamat ilisimatusarneranni ilinniartitsinerannilu peqataanerata pitsanngorsarnera, kiisalu institutip taamatut suleqatigiinnermi pilerinartunngorsarnera.
- 3) Institutip ilisimatusarnermi ilinniarnermilu inissisimanerata pitsanngorsarnera, ilisimatusarfiup siunertaanik siuarsaanissaq anguniarlugu.

Imm. 3. Pitsanngorsaannermi pitsaassutsimillu siuarsaanermut siunnersuisoqatigiit institutip siunnersuisoqatigiivi paaseqatigalugit ataatsimiititalianik immikkut ilisimasalinnik ilinniagassap aalajangersimasup iluani imaluunniit aalajangersimasup ilinniarnerep iluani pilersitsisinnaapput. Ataatsimiititaliani taamaattuni ilaasortat pitsanngorsaannermi pitsaassutsimillu siuarsaanermut siunnersuisoqatigiinni ilaasortaasariaqanngillat.

§ 26. Pitsanngorsaannermi pitsaassutsimillu siuarsaanermut siunnersuisoqatigiit avataaneersunik paasisimasalinnik inuttaqassaaq ukiuni sisamani sulisussanik ukuussallutillu:

- 1) Ilaasortat 1 - 3-nik amerlassuseqartut rektorimit toqqarneqartassapput.
- 2) Ilaasortat 1 - 3-nik amerlassuseqartut institutimi siunnersuisoqatigiinnit toqqarneqartassapput.
- 3) Ilaasortaq ataaseq institutimi ilinniartunit innersuussutigineqarluni toqqarneqartassaaq.

Imm. 2. Pitsanngorsaannermi pitsaassusermillu siuarsaanermut siunnersuisoqatigiinni ataasiakkaani ilaasortat ataatsimoorlutik imatut piginnaaneqassapput § 25, imm. 2-mi taaneqartut naammassisinnaanngorlugit.

Imm. 3. Pitsanngorsaannermi pitsaassusermillu siuarsaanermut siunnersuisoqatigiinnik pilersitsineri malittarisassat Ilisimatusarfiup malittarisassaani sukumiinerusumik aalajangersorneqassapput.

Kapitali 4

Aningaasaqarneq aamma allaffissorneq

Aningaasaqarnermut tunngasut

§ 27. Ilisimatusarfimmut ukiumoortumik aningaasaliissutit suliassanut inatsitigoortunut isumaqatigiissutitigullu aalajangikkanut atugassat inatsisartut aningaasanut inatsisaatigut aalajangersorneqartassapput.

Imm. 2. Ilisimatusarfik landskarsip avataatigut tapiissutinik, kingornussassianik tunissutinillu tiguisinnaavoq. Taamaattut pissarsiat aningaasat inatsisaannit pissarsiarineqartunit immikkoortinneqassapput.

Imm. 3. Ilisimatusarfik akiliisitsinikkut isertitanik aamma tapiiffigineqarnikkut isertitaqarsinnaavoq.

Imm. 4. Ilisimatusarfiup nammineerluni tapiissutit isertitallu allat agguataartassavai. Ilisimatusarfiup aningaasartuutissanut tunngaviusut eqqortittassavai isumagisassallu suliakkiunneqartut naammassisassallugit.

§ 28. Ilisimatusarfiup Namminersornerullutik Oqartussat missingersuutit, naatsorsuuserineq naatsorsuutinillu saqqummiineq pillugit malittarisassai qaqugukkulluunniit atuuttut maleruassavai.

Imm. 2. Aningaasanut inatsisikkut aningaasaliussat naatsorsuutini immikkut naatsorsuuserineqartassapput.

Imm. 3. Ukiumoortumik naatsorsuutit Namminersornerullutik Oqartussat kukkunersiuuinik kukkunersiorneqartassapput.

Imm. 4. Siulersuisut ukiut tamaasa martsip naannginnerani ukiumoortumik nalunaarussiaq ukiumoortumik naatsorsuutinik kukkunersiuuinillu oqaaseqaatinik imalik Naalakkersuisunut nassiuttassavaa. Naalakkersuisut ukiumoortumik nalunaarussiaq akuerereerlugu Inatsisartunut ilisimatitsissutitut nassiuttassavaat.

Allaffissorneq

§ 29. Ilisimatusarfiup allaffeqarfia Ilisimatusarfiup pisortaanik aqunneqassaaq rektorip ataani inissisimasumik.

Imm. 2. Ilisimatusarfiup Ilimmarfiup ingerlannera allaffissorneralu isumagissavai, isumaqatigiissuteqareernikkullu Ilimmarfimmi suliffeqarfiit allat allaffissornikkut suliassaat isumagisinnaallugit.

Kapitali 5

Aalajangersakkat allat

§ 30. Ilisimatusarfiup maalaarutininik aalajangiineri ilinniartut piginnaatitaanerinit tunngasut Naalackersuisunut ingerlateqqinneqarsinnaapput.

Imm. 2. Maalaarsinnaatitaanermut killigitinneqarpoq aalajangikkap maalaaruteqartumut nalunaarutigineqarneraniit sap. ak. 4.

Imm. 3. Naalackersuisut maalaarsinnaatitaanermut aamma maalaarutit suliarineqartarnerannut malittarisassiussapput.

Imm. 4. Ilisimatusarfiup maalaarutininik aalajangiineri ilinniartut piginnaatitaanerinit tun-ngassuteqanngitsut, tak. imm. 1, soraarummeernermi naliliinerit pillugit maalaarutit ilanngullugit allaffissornikkut oqartussanut qulliunerusunut ingerlateqqinneqarsinnaanngillat.

Kapitali 6

Atortuulersitsinissaq ilaallu ilanngullugit

§ 31. Inatsisartut inatsisaat atortuulissaaq 1. januar 2008.

Imm. 2. Tamatumunnga peqatigitillugu inatsisartut inatsisaat, inatsisartut peqqussutaat kiisalu Namminersornerullutik Oqartussat nalunaarutaat makku atorunnaassapput:

- 1) Ilisimatusarfik pillugu Inatsisartut inatsisaat nr. 16, 31. oktober 1996-imeersoq.
 - 2) Tusagassiortunngorniat ilinniartitaanerit pillugu Inatsisartut peqqussutaat nr. 6, 30. oktober 1995-imeersoq
 - 3) Meeqqat atuarfianni ilinniartitsisussanik ilinniartitsineq pillugu Inatsisartut peqqussutaat nr. 2, 2. maj 1996-imeersoq.
 - 4) Isumaginninnermi ilinniartitsineq pillugu Inatsisartut peqqussutaat nr. 10, 31. oktober 1996-imeersoq.
 - 5) Peqqissaasutut ilinniartitaaneq pillugu Inatsisartut peqqussutaat nr. 7, 29. oktober 1999-imeersoq.
 - 6) Namminersornerullutik Oqartussat nalunaarutaat nr. 7, 2. januar 1990-imeersoq Ilisimatusarfimmi ataatsimiittartunik qinersinissamut malittarisassanik, Ilisimatusarfiup rektorissaanik tullersortissaanillu qinersisarneq ilanngullugu.
- Imm. 3.* Inatsisartut inatsisaat aamma Inatsisartut peqqussutaat imm. 1-imi taaneqartut naapertorlugit aalajangersakkat imaluunniit atuutitaasut allat, aalajangersakkanik nutaanik taarserneqarnissamik imaluunniit atorunnaartinneqarnissamik tungaannut atuutissapput.

§ 32. Inatsisip atuuttuulernerata nalaani rektoritut aamma rektorip tullersortaatut toqqagaasimasut taamatut atorfeqarnitik tigummiinnassavaat, siulersuisunit rektoritut rektorillu tullersortaatut atorfinitsinneqartut atorfimminni sulilernissaasa tungaannut.

Imm. 2. Inatsisip atuuttuulernerata nalaani institutini pisortatut toqqagaasimasut taamatut atorfeqarnertik tigummiinnassavaat, institutini pisortassat rektorimit atorfinitsinneqartussat atorfimminni sulilernissaasa tungaannut.

Imm. 3. Inatsisip atuuttuulernerata nalaani universitetsrãdimi studienęvniñilu ilaasortatut toqqagaasimasut taamatut inissisimaannassapput, siulersuisut institutinilu siunnersuisoqatigiit toqqarneqarnissaasa tungaannut.

Imm. 4. Suliffeqarfinni Ilisimatusarfimmu katigunneqartuni atorfeqartut maanna akissarsiatik atorfininnermilu atugassarititaasut pigiinnassavaat.

§ 33. Siulersuisut aamma ilinniagartuut siunnersuisoqatigiiffiat pilersinneqareersimassapput 1. marts 2008.

Imm. 2. Siulersuisut atuutilernissaasa tungaannut siulersuisut suliassat Universitetsrãdimit isumagineqassapput. Taamaattoq Universitetsrãdip aalajangigassat Ilisimatusarfiup ingerla-tiinnarnissaanut pisariaqartut kisiisa aalangiiffigisassavai. Suliffeqarfiit Ilisimatusarfimmu katigunneqartut pisortaat Universitetsrãdimi ilaasortatut ilaalissapput.

Imm. 3. Institutini siunnersuisoqatigiit atuutilernissaasa tungaannut suliassat studienęvniñit isumagineqassapput. Taamaattoq studienęvniñip aalajangigassat institutip ingerlatiinnarnissaanut pisariaqartut kisiisa aalangiiffigisassavai.

Imm. 4. Institutit nutaamik iluseqarlutik atuutilernissaasa tungaannut atorfinissutaasinnaasumik bachelorinnngorniartuut aamma Inerisaaviup maannamut iluserisatit atuinnassavaat rektorimullu nalunaartarlutik

Namminersornerullutik Oqartussat, ulloq xx,xxxx 2007

Hans Enoksen

/

Tommy Marq